

فيه اربع حالات فقط ما يطلع منه السؤال

١. إذا كان العدد موجب وطلب بالسؤال أكبر من >> >نطرح واحد بعد ما نطلع قيمة الجدول
٢. إذا كان العدد موجب وطلب بالسؤال أصغر من >> >نطلع القيمة من الجدول ويس
٣. إذا طلب قيمة Z بين عدد موجب وعدد موجب آخر >> >نطلع قيمهم من الجدول ونطرحهم من بعض
٤. إذا طلب قيمة Z بين عدد موجب وعدد سالب >> >نطلع قيمهم من الجدول ونطرح واحد من قيمة العدد السالب ونطرح النواتج من بعض

بذكر الحالات مع أمثلة من المحتوى نفسه للتأكيد

إذا كان العدد موجب وطلب بالسؤال أكبر من مثال من صفحة ٤٤

أوجد احتمال أن Z أكبر من ١,٦٤ ؟

لاحظوا العدد موجب وقال أكبر من

إذا نطلع القيمة من جدول Z عند صف ١,٦ وعمود ٤ = ٠,٩٤٩٥

الحين نطرح واحد من القيمة التي من الجدول (١ - ٠,٩٤٩٥ = ٠,٠٥٠٥)

إذا كان العدد موجب وذكر بالسؤال أصغر من مثال صفحة ٤٣

أوجد احتمال أن Z أقل من ١,٦٤ ؟

نطلع القيمة من الجدول = ٠,٩٤٩٥ فقط الى هنا وقف الحل

إذا طلب قيمة Z بين عدد موجب وعدد موجب اخر مثال صفحة ٢ أسفل الرسمة

ما احتمال أن تقع Z بين صفر و ٠,٥ ؟

نطلع قيمة الصفر من الجدول = ٠,٥٠٠٠

ونطلع قيمة ٠,٥ من الجدول = ٠,٦٩١٥

نطرح النواتج ويكون الناتج = ٠,١٩١٥ >> >هذا اللي طلع بالآلة ... وبالمحتوى كاتب ٠,١٩١٤٦

إذا كان العدد سالب

بجميع الحالات والأحوال إذا كان العدد سالب نطلع القيمة من الجدول ونطرح منها واحد

سواء قال أكبر من أو أصغر من مثال صفحة ٥ ؛ أول مثال فوق

أوجد المساحة تحت المنحنى المعتدل معياري على يمين $Z = -1,65$ ؟

على يمين تعني أكبر من

الحل : نطلع قيمة $1,65$ من الجدول $= 0,9505$ نطرح منه واحد $= 0,0495$

نشوف مثال يكون فيه أصغر من

مثال صفحة ٥ ؛ المثال الثاني اللي فيه ؛ فقرات

الفقرة الأولى نسبة السيارات التي تقل سرعتها عن ٥٠ ميلاً

بعد ما طبقنا الناتج طلع -٢

ندور قيمة ٢ من الجدول $= 0,9772$

نطرح واحد من الناتج $1 - 0,9772 = 0,0228$

إذا طلب قيمة Z بين عدد موجب وعدد سالب ومن مثال صفحة ٢ ؛ المثال الثاني تحت الرسمة

احتمال أن تقع Z بين $0,5$ و $-0,5$

أول شيء نطلع قيمة $0,5$ من الجدول بغض النظر عن الإشارة

قيمة $0,5 = 0,6915$ وكذلك قيمة $-0,5$ من الجدول $= 0,6915$

الحين المفروض نطرح نواتج القيمتين على طول لكن هنا عندنا سالب

لذلك نأخذ قيمة $-0,5$ واللي هي $(0,6915)$ ونطرح منها واحد والناتج $(0,3085 = 0,6915 - 1)$

الحين نطرح قيمة $0,5$ اللي هي $(0,6915)$ من قيمة $-0,5$ اللي هي $(0,3085)$

$$0,383 = 0,3085 - 0,6915$$

طبعا بالمحتوى محلول بطريقة معقدة فيها ضرب ٢ ومدري ايش لكن اهم شيء الناتج نفسه